



Մ Ա Յ Ր Ա Թ Ո Ռ Ո Ւ Մ

Օգոստոսի 2-ին, չորեքշաբթի.—Այսօր Վեհափառ Հայրապետը մեկ ամսով հանգրտանալու համար մեկնում է Կիսլովոդսկի «Կրասնի կամեն» առողջարան:

Վեհափառ Հայրապետին ուղեկցում էր Օիրակի թեմի առաջնորդական տեղապահ տ. Նարեկ վրդ. Ծաքարյանը:

Երևանի օդանավակայանում Հայոց Հայրապետին ճանապարհում է Մայր Աթոռի միաբանությունը և պաշտոնությունը՝ գլխավորությամբ Մայր տաճարի լուսարարապետ տ. Հուսիկ եպս. Սանթրոքյանի:

Հայոց Հայրապետին ճանապարհում է նաև ՀՍՍՀ Մինիստրների ակումբում առընթեր հայ եկեղեցու գործերի խորհրդի նախագահի տեղակալ Ա. Հովհաննիսյանը:

• •

Օգոստոսի 6-ին, կիրակի.—Ե կիրակի գկնի Վարդավառի.

Մայր տաճարում ս. պատարագ է մատուցում տ. Հակոբ քհն. Հակոբյանը:

• •

Օգոստոսի 18-ին, կիրակի.—Վերափոխումըն ս. Աստուածածնի.

Մայր տաճարում ս. պատարագ է մատուցում տ. Գևորգ վրդ. Սերադյարյանը:

Հավարտ ս. պատարագի, Մայր տաճարի

լուսարարապետ տ. Հուսիկ եպս. Սանթրոքյանի հանդիսադրությամբ, կատարվում է խաղողի օրհնության կարգ՝ խուռներում ուխտավոր բազմության ներկայությամբ:

Ս. պատարագին ներկա են լինում ուխտավորաբար ս. Էջմիածին այցելած Ֆրանսիայի կաթոլիկ և բողոքական համայնքների Էկումենիկ շարժման մի խումբ մասնակիցներ, որոնք երկուդած բարեպաշտությամբ ընդունում են Էկումենիկ սուրբ հաղորդություն:

Հավարտ ս. պատարագի ֆրանսիացի ուխտավորներն այցելում են Վեհափառ:

Լուսարարապետ տ. Հուսիկ եպիսկոպոսը, հանում Հայոց Հայրապետի, քարի գալուստ է մաղթում և ողջունում ներկայությունը ֆրանսիացի ուխտավորների:

Իր խոսքի մեջ տ. Հուսիկ եպիսկոպոսը համառոտակի հյուրերին է ներկայացնում Մայր Աթոռ ս. Էջմիածնի հիմնադրության պատմությունն ու կանգ առնում Տ. Տ. Վազգեն Ա. Հայոց Հայրապետի գահակալության տարիներին կատարված հոգևոր, մշակութային, շինարարական աշխատանքների, ինչպես նաև միջեկեղեցական հարաբերությունների և փոխայցելությունների վրա, որոնցով ամրապնդվում են բույր եկեղեցիների հետ Էկումենիկ համագործակցությունն ու ջանքերը Բրիտոսի եկեղեցու փառքի և աշխարհի խաղաղության համար:

Հանում ուխտավորների շնորհակալության

և երախտագիտության ջերմ խոսք է ասում վերապատվելի Ա. Սահակյանը:

Ջրանսփացի ուխտավորները Վեհարանի այգու մրգերով հյուրասիրվելուց հետո հրա-
ծելով են առնում Մայր Աթոռից լավագույն
սպավորություններով:

**Օգոստոսի 14-ին, երկուշաբթի.—Ցիշա-
տակ մեռելոց.**

Մայր տաճարում ս. պատարագ է մատու-
ցում տ. Հովհաննես քհն. Մարությանը:

Հավարտ ս. պատարագի կատարվում է
հոգեհանգիստ՝ «վասն համօրէն անջեցե-
լոց»:

Օգոստոսի 19-ին, շաբաթ.—Այսօր ուխ-
տավորաբար Մայր Աթոռ է ժամանում Ռու-
մինիայի և Բուլղարիայի թեմերի հայոց ա-
ռաջնորդ տ. Տիրայր եպս. Մարտիկյանը:

**Օգոստոսի 20-ին, կիրակի.—Բ կիրակի
զկնի Վերափոխման.**

Մայր տաճարում ս. պատարագ է մատու-
ցում տ. Մուշեղ վրդ. Պետիկյանը: Քարո-
զում է ուխտավորաբար Մայր Աթոռում
գտնվող Ռումինիայի և Բուլղարիայի թեմե-
րի հայոց առաջնորդ տ. Տիրայր եպս. Մար-
տիկյանը՝ ս. Աստվածածնի տոնի առիթով

մայրության գաղափարի և առաքելության
մասին եկեղեցու կյանքում և մարդկության
պատմության մեջ:

Օգոստոսի 26-ին, շաբաթ.—Այսօր, ա-
ռավոտյան ժամը 11-ին, մեկամսյա հանգըս-
տից հետո, Կիպովոդսկից Մայր Աթոռ վե-
րադարձավ Վեհափառ Հայրապետը՝ ընկե-
րակցությամբ տ. Նարեկ վրդ. Ծաքարյանի:

Հայոց Հայրապետին Երևանի օդանավա-
կայանում դիմավորում են Մայր Աթոռի միա-
բանությունն ու պաշտոնեությունը՝ լուսա-
րարապետ տ. Հուսիկ եպիսկոպոսի գլխա-
վորությամբ:

Հայոց Հայրապետին բարի գալուստ է
մաղթում նաև ՀՍՍՀ Միհաստրների սովետին
ստորնթեր հայ եկեղեցու գործերի խորհրդի
նախագահի տեղակալ Ս. Հովհաննիսյանը:

**Օգոստոսի 27-ին, կիրակի.—Գ կիրակի
զկնի Վերափոխման. Տօն գիտի գոտոյ սըր-
բուհոյ Աստուածածնի.**

Մայր տաճարում ս. պատարագ է մատու-
ցում տ. Գևորգ վրդ. Սերայդարյանը և քա-
րոզում «Աղաչեա՛ վասն մեր զառ ի քէն
զմարմնացեալն Աստուած, զի լոնացին պա-
տեհազմունք, դադարեացին յարձակմունս
թշնամեաց, տնկեացի սէր և արդարութիւն ի
յերկրի» քնարանով:

Ս. պատարագին ներկա էր Վեհափառ
Հայրապետը:

